

容城縣志卷之六

人物志

容西連易水東環白溝靈秀之氣實於是鍾故
豪傑相繼出焉其首道學所以紹聖統之緒次
鄉賢所以表士民之冠次忠臣所以倡鯁直之
風次科第貢員別流品也次封蔭昭恩典也次
武科武弁昭鷹揚也次隱逸勵清節也次善行
重高誼也次孝友篤倫理也次節烈嘉貞德風
後世也嗚呼人物之列詳矣景行者尙其自附
前哲以爲鄉郡光

理學

劉

因

字夢吉溝市村人父述遷性理之學中

人馬載一兒至其家曰善養之既覺而生因
名駟字夢驥後改今名及字公天資絕人三
歲識書日記千言六歲能詩十歲能文弱冠
才識超邁閱方策思得如古人者友之作希
聖解初爲經學究訓詁嘆曰聖人精意殆不
止此及得周程張邵朱呂之書一見曰我固
謂當有是也論其學曰邵至大也周至精也
程至正也朱子極其大盡其精而貫之以性
也其高見遠識類如此公性不妄交事繼母
孝家甚貧非義不取隱居教授師道尊嚴嘗
愛諸葛孔明靜以修身之語扁所居曰靜修
又號雷溪真隱至元間詔徵爲右贊善大失
未幾以母疾辭歸後復徵拜集賢學士以疾
固辭帝聞之曰古有所謂不召之臣其斯人
之徒與卒贈翰林學士封容城公謚文靖所
著有四書精要丁亥集小學四書語錄易繫

辭說
行世

梁師安

沙河人學於靜修輕財重義捐創孔子廟及齋舍延名士以隔後進置腴田以

充廩餼時

論重之

梁至剛

字浩然三臺人尙論友古闡明正理淡於仕進與靜修講學不輟人勸之仕曰

堯舜之世尙有巢由終身不仕號曰南溪老人

劉英

字厚蒙三臺人早歲爲吏聞靜修學折節從之研精至理不求聞達及靜修卒

深隱
林泉

梁泰

至剛子靜修門人
翔舉書院

王綱

三臺人師事靜修居母喪哀毀逾禮人勸之曰聖人制禮不以死傷生終不聽

父病又作綱朝夕憂戚未嘗見齒與人言輒流涕遂致疾而卒靜修以詩哭之銘其墓

胡炳南

以五經登元進士隱居自樂屢徵不就與楊九萬李益公毛文伯焦恂儒講道

易小林尖山有楊李毛焦胡燕

山五丈夫之句卒配享靜修

李

伸

安次人宣德年貢授館陶訓時學規廢弛先生至師道尊嚴職滿陞容城諭以

靜修得程朱正傳應入從祀章數上未允然

立祠皆其力也陞太學助教致仕歸籍容城

配享

靜修

張紹烈

字孟晦號希古爲諸生志行高古父母歿皆廬墓三年業師卒亦結廬負土除

廩米二十七月以終心喪性鯁直

治初疏

乞御經筵抑奔競去淫祠備馬政興學校切

中時弊孝宗允行之正德間疏請斥宦官畚

僧武宗優容之賜冠裳好事者繪皇都獨諫

圖逆瑾用事又上疏千餘言詔下獄旋釋之

歸七日而卒生平藏書不火自焚遠近歎異

配享

靜修


孫奇逢

字啓泰號鍾元年十七舉於鄉所友皆知名士丁內外艱廬墓六年朝廷旌其

孝璫禍薰灼周旋左魏不避艱險海內高其義抱道自樂屢辭徵書天下嘉其節倡道蘇門以繼往開來爲已任問業者趾相錯咸謂靜修復出焉著作甚富有四書近旨答問理學宗傳取節錄行世學者稱爲徵君先生祀鄉賢

孫立雅

恩貢生徵君長子謹言慎行受學江村鹿忠節徵君徒藉門留立雅守墳墓以一身肩父師之傳繫南北之望卒配饗五賢祠



鄉賢

劉秉德

靜修叔祖登進士第終奉直大夫性安靜恬退與物無忤爲學不喜詞章貞祐

間避地河南

隱於許封山

魏敬益

字士友沙河村人性至孝好施予喪塋嫁娶貧不給者咸周之歲飢捨粥貸貧

者錢而不取其息嘗買四莊田十頃一日語其子曰自吾買若田村民皆不能給吾深憫焉遂以其田歸之後人顏其莊曰興讓元旌爲義士祀鄉賢鹿忠節孫徵君皆有詩

張紹烈

明處士詳見理學

王寅

字敬夫成化辛丑進士剛正廉介對妻

子如嚴賓爲延尉却金執法僉事福建肅清海道憲副陝西發韓藩姦罪爲廣西臬征苗有功後爲工部侍郎理易州山厰完負逋數萬尋改戶部卒祀鄉賢

李世亨

治賢進士官至戶部員外郎先爲主事抽分九江無私入人稱廉正爲立

生祠卒
祀鄉賢

梁景先

字國祥號霽川邑學廩生遙授訓導性孝友家貧嗜學於經義無不淹貫居恒

研理深慕靜修每手其集哦誦不輟比方伯登第里中醵金賀愀然曰吾安吾素亟持去毋濶我晚年布衣疏食披

梁

炳號如星萬歷癸丑進士三授縣尹以治行徵授御史時魏璫用事公屢抗疏不

報引疾歸尋巡按貴州平土酋亂東南以寧賑撫陝西活飢民數萬陞潞安叅政賊聞風遁陞河南左布政時流寇方熾糧餉不敷公擁孤城誓守賊不能下乃次河灌城公僅以身免公前後蒞官三十餘年特立寡援聲震朝野居家敝廬僅蔽風雨好鼓舞後進逮天人性命之學晚甘恬退九十全終人以爲香山洛社云祀鄉賢

孫奇逢

康熙十五年入鄉賢詳見理學

胡向化

天啓辛酉舉人宰新泰邑苦灘派力除之陞錦衣衛經歷新泰士民建祠祀之

居西曹却犯璫請托平河臣臧罪恤刑三晉釋無辜者八十八人予告家居捐賑每先品

毅以正才健而堅有古人風康熙十七年人鄉賢

忠節

李涑先

祖皓從明太祖屢建戰功陞保定府後衛指揮僉事公嗣父實職初授浮圖峪

守備北兵入境公保障奏績晉都指揮尋改右叅將歷山西寧武關總兵官嘉靖中邊騎數萬入境巡撫趙時春親擊之公血戰脫時春自與長子松及遊擊李桂等皆死於八角大虫嶺事聞贈少保左都督謚忠愍立祠廕一子授指揮使次子桐繼祖爵以松之嗣併廕加授都指揮使次梓承公廕授指揮使孫徵君有贊

楊繼盛

字仲芳號叔山嘉靖丁未進士初授南京吏部驗封司主事師事大司馬韓邦

奇盡通其天文地理樂律太乙六壬奇門兵陳之學遷兵部車駕司員外郎時仇鸞擅開馬市上疏論其十不可五謬謫狄道典史敬共其職暇則進邑諸生爲講文義大旨立書院置產以給筆札及婚喪費吏民愛之鸞敗累擢武選司疏論嚴嵩十罪五姦下詔獄或

世祖

遺以蚺蛇膽云服之可禦杖却不受曰椒山
自有膽安用蚺蛇哉杖訖創甚破羹碗刺股
出血數升已復手小刃割左股腐肉旁觀戰
慄卒爲嵩陷論死西市妻張氏疏乞代死爲
嵩所抑不得達隆慶初贈太常少卿賜諭祭
謚忠愍廕一子天啓四年論准全塋建旌忠
祠有五一在本城一在河照本邨一在郡城
西街一在郡西關一在定興北河

文章皇帝御製表忠

文二勒石旌之

王家珍

字季玉幼以文章節義自雄順治二年
由貢生爲朔州牧五年總兵姜襄叛守

土者多奔竄珍以義感動士民固守之守備
張爲姜內應開門延賊珍奮力死戰被執不
屈支解之每割一瓣問曰降乎珍血肉飄零
罵不絕聲全家被害順治十年贈山西布政
司叅議邑舉人孫

川爲作孤忠傳

甲科

元

胡

福

任江西行省叅政

胡炳南

福子見理學

明

洪武辛亥科

胡

黻

福孫炳南姪

成化丙戌科

劉吉和

成化辛丑科

王寅

詳見鄉賢

治癸丑科

李世亨

詳見鄉賢

治己未科

魏彥昭

爲行人擢御史上疏劾瑾謫利津縣丞禦流賊有功陞武岡知州官至江西參

議

嘉靖癸未科

王允修

寅子授刑部主事審錄山東獄無寃陞大府再知登州府有刼盜殺人

設法捕之人頌神明後歸里養重其高尚殆足稱云

張琛

授泗州知州發粟賑民法治土豪人稱廉明

嘉靖辛丑科

陰

標授兵部主事丁內外艱皆廬墓創轉禮部郎中陞河南叅議以清節名修學宮

開荒田稱藩治第一致仕歸里祿餘盡與諸弟共稱友愛焉

嘉靖丁未科

楊繼盛

詳見忠節

嘉靖乙丑科

宋

豸

初授行人奉使東藩却餽不受擢戶部主事轉郎中監兌小灘汰蠹清弊貢餘

百萬具疏克餉陞知汝寧府轉知鄖陽府遷山東鹽運使致仕入忠義祠

萬歷癸丑科

梁

炳

詳見鄉賢

國朝

康熙庚戌科

孫祚昌

任山東諸城縣知縣
歷陞刑部員外郎

康熙丙辰科

李用楫

初授中書遷
安慶府同知

李瑞徵

廣西容縣知縣每遇鄉試年使人送盤
費給本邑應試舉子以鼓士風後行取

戶部
主事

康熙壬戌科

孫 淦

歷任中書徵君
裔係中河南籍

鄉科

明

洪武丁卯科

王琦

任訓導

蕭輿

任府同知

永樂乙酉科

楊煦

任訓導

馬驥

任訓導

牛基

任知縣

永樂戊子科